

Balua na bhisi
 gba
 Djaá
 Eli na kalanu

Bhele kpála Djaá , aye nani balua gba e na bhisi pi
 olo bini ne ongisi gba e. A mana mugito me, u aye pi
 Dadjua gba Ebhe inde u adu ayo Ebhe bhú e ne okpála
 inde bhúbhú. Engú na ndundu inde adu bhúbhú-o, a ko
 bha me u du ne mukunda sunda o. Ani atsia apa me u
 lila lio ka omusuno na eu, ne nasuno gba o-o.

Ongbengbe ongú inde bhú bhuku inde-e ngae inde:

Eli na kalanu 1-3

Engú na kalanu inde a ayo me mukunda mene e 4-6

Nalila lio ka nasuno na eu 7-11

Eli na soso 12-13

Djaá yi okpála inde li Ebhe abhu o-o mayi

¹ Ngama, Bhele Kpála , ma ngaye balua inde-e pi yi, Ohi
 ní,* ngamu kpála inde li Ebhe abhu e di ne ongisi gba
 e inde ma ngakunda o na kukulu-o. Ma ngakunda bha
 yi ngama kpi ma kpi ade, ndu okpála hana inde ambila
 kukulu 'ngú-o akunda bhadi yi moko. ² Padhá de, anga a
 ngadu bhú ní ne engú na kukulu. La di-e, kukulu 'ngú
 ango-o adú bhú dabili bini ne ní ndu 'kpí hana.

³ A ayo me Ebhe 'Dyi ní, di ne Yesu Kilisito , Ndili gba
 'Dyi ní-e, bhú mukunda di ne kukulu 'ngú gba o-o, suno

* 1:1 1:1 Ohi ní: Okpála bhelé ngabhundja me Ohi ní inde
 si-e, a ko Piga gba Ebhe, ongisi gba ani-e, a ko omabhuka

bádha bhú 'bu pi ní, u dje ndjinga ní, amba u ha la di guo 'ngú pi ní.

Engú pindji engú na kukulu di ne mukunda

⁴ Ma akpi djali naali, anga ma abhaka ongisi koko gba mu-o ngadholo bhú engú na kukulu, maka líli inde ní asia e ka 'Dyi ní ko. ⁵ Pi mbia inde-e, Ohi ní, engú inde ma ngayo e ka mu-o, a ngae inde: ní du ne mukunda sunda ní. A ko de me ma ngaye pi mu líli na mbia de, a ko líli inde ní asia e nayie bha bini li lilita[†] ko. ⁶ Lele li mukunda nde lie ngae inde: a ko namene olíli gba Ebhe-o. La di-e, líli ango-o, a ko bha bhende yi adje nani e nayie li lilita me, a ayo me yi du bhú mukunda.

Yi lila liyi ka okpála napite okpála-a malila

⁷ Okpála bhelé inde ngapite okpála atsambala ne bili ngangá pía doto. U ziba naao de me Yesu Kilisito ago nani bhú kute na kpála-kuti-e de. Kpála inde ngapa mo-o, a ko bhulu napite okpála, a ko la di bhulu yala gba Kilisito. ⁸ 'E-e! Yi lila liyi ngayi makpe-e ndjindji, ngubula me yi anéke makalá na kulu gba ya-a de. Engú bini, a ayo me yi sia makalá-a libhomu.

⁹ Kpála ne kpála inde i lila nasuno inde u aha e pi yi pindji Kilisito de-e, inde i nga'o la di engú koko pépé-e, kpála ango-o bhú Ebhe ade. Kpála inde la ngalila nasuno ango-o, kpála ango-o ngadu bhú 'Dyi Ndili-o, di ne Ndili-o. ¹⁰ I du me kpála nde ago, ani suno la di pi yi engú koko kpi-e, yi asia ani agba yi de, yi abhia di kúo li ani de. ¹¹ Padhá de, anga kpála inde abhia kúo li ani-e, a asuno

[†] 1:5 1:5 Nayie li lilita: A ko nayie li nedhinga inde u adje nani 'li Ebhe lie ko. Tsia bhú lukuluku 6, di ne bhú 1 Dja. 2:7, 24, 3:11.

bhomu-o me u akpøtsø lio ne ani bhú osisiti 'ngú gba ani-o.

¹² Ma ne engú bhelé ngú napapa pi yi. La-a, ma kunda nayeye maye de, anga ma ne 'to ma 'to nanu agba yi oo, ngubula me ní gama 'ngú ne yi me ní nde ngau liní mau, amba ní kpi djali ndjindji.

¹³ Ongisi gba Ndai mu na ӨӨӨ, kpála inde li Ebhe abhu e-e‡ apa me, o yi mu mayi.

‡ 1:13 1:13 Ongisi gba Ndai mu na ӨӨӨ li Ebhe abhu e-o: A kunda napa me omabhuka na Dadjua na Ebhe li Djaa adu nadu lie-o.

Gandja na Mbia

Mayogo: Gandja na Mbia (New Testament)

copyright © 2020 Wycliffe Bible Translators, Inc.

Language: (Mayogo)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 14 Jun 2022 from source files dated 25 Mar 2022

6b4904fb-f8ce-5931-8218-7cee8914232c